

*Dissertatio Academica,*  
*De*  
*Obligatione Civis ad capes-*  
*sendam Rempublicam.*

---

Quam  
Cons. Facult. Philos. Reg. Acad. Aboëns.

Præside

*M. HENRICO GABRIELE*  
*PORTHAN,*

*Eloqu. Prof. Reg. & Ordin. R. Acad. Lit. Human. Hist. &*  
*Antiquit. Membro,*

*Pro Gradu*

*Publice ventilandam s̄tit*

*JOHANNES BOXSTRÖM,*  
*Stip. Reg. Nylandus,*

*In Audit. Maj. Die XX. Dec. MDCCCLXXXVIII,*

*H. A. M. C.*

---

*ABOÆ, TYPIS FRENCKELLIANIS.*

Viro

Admodum Reverendo atque Praeclarissimo

Domino

Mag. Samueli Nicolao Heurlin,  
Ecclesiarum, quæ in Jämsä, Corpilax & Petäjävesi Deo  
colliguntur, Pastori & Præposito meritissimo,

Fautori Optimo,

Per quinquennium illud, quo literis imbuendos Filios Tuos  
optimæ spei mihi tradisti, tantis me cumulasti beneficiis,  
tam fidelibus bæstantem opitulatus es consiliis, tamque prolixo  
me favore fovisti, ut ingratissimus sane fuisset, nisi Te jam-  
diu ut Fautorem optimum estimatisimumque letissimo venera-  
tus essem animo: Cujus benivolentiae summo jure id tribuo, ut  
non solum in musarum castris literis invigilandi per aliquot  
annos felicitas mihi contigerit; sed etiam iis interesse po-  
tuerim studiorum exereitiis, quorum specimen hocce in pigmis  
perpetuae observantiae ac venerationis Tibi jam offero, omnia  
fausta ac felicia ex intimo cordis affectu simul adprecans!  
Ad cineres permansurus

Admodum Reverendi Nominis Tui

cultor humillimus

JOH. BOXSTRÖM.



§. I.

**H**omines parum securam beatamque degentes vitam, quamdiu dispersi, ac civilis societatis nullo conjuncti vinculo viverent; in civitates sensim coire, atque ex communi cœtus incolumitate ac prosperitate privatam exspectare salutem, coacti sunt. Fœdus igitur de mutuo sibi auxilio præstanto, de viribus conjugendis ad impetum improborum repellendum, de privatis emolumentis publicæ utilitati submittendis proque ea devovendis, pepigerunt; tantæque naturalis libertatis parti singuli renunciarunt, quantam exuerre necesse fuit ad scopum Civitatis attingendum, unitatemque voluntatis, a persona morali hoc modo constituenda inseparabilem, efficiendam. Ita Civitates, variarum de cætero formarum, exortæ sunt. Officia autem ad quæ civis quisque huic societati universæ, sive Reipublicæ præstanta, obligatus hinc evasit, duplices esse generis, recte statuas. Alia *indirecta* dicas, ci-  
vies privatos respicientia, ne illis noceatur, sed potius, quantum cujusque conditio ferat, bene fiat; quo etjam referas quæ nobismet ipsis, res nostras prudenter, accurate, diligenter & honeste administrando præstantur:

ex quibus omnibus non potest non insignis ad totam si-  
 mul Civitatem utilitas redundare. Quomodo periti  
 ac industrii coloni, mercatores, opifices &c. reipu-  
 blicæ egregie prosunt. Alia vero officia a civibus in  
 ipsam proprie Rempublicam sunt conferenda, quæ  
 hinc *directa* appelles: quorum partim *negativa* sunt,  
 v. g. ne hostibus illam prodere, leges imperii sanctas  
 atque salutares abolere, turbas & seditiones excitare,  
 privati lucri caussa commodo publico nocere &c. in-  
 stituas; partim *positiva*, ut, copiis rei familiaris, opera  
 & consilio Rempublicam juvare. Ad hanc etjam clas-  
 sem officiorum pertinet, Munera publica, sive civilia  
 sive militaria, administrare, Magistratus gerere, Comi-  
 tiis interessere, &c.: quod genus officiorum qui obire non  
 detrectant, ii *Rempublicam capessere* solenni formula di-  
 cuntur. Ad quam operam Reipublicæ præstandam,  
 qualis sit quamque late sese extendens obligatio, neque  
 hodie inter homines convenit, & olim magna conten-  
 tione controversum fuit. Dubium quidem non est,  
 quin Respublica. hujusmodi auxilium desideret; sine  
 quo nec regi nec defendi, nec pacata felixque conser-  
 vari, ullo modo potest: unde generalem quandam ad-  
 esse obligationem, ad universos cives spectantem, ut  
 Rempublicam defensoribus atque ministris necessariis  
 carere non patientur, negari nequit. Sed quia omni-  
 um tamen tali quidem ope neque Respublica indiget,  
 neque uti potest, neque eam præstare omnes valent;  
 eo jam præcipue reddit quæstio: in quantum singuli ci-  
 ves

ves hanc ad se pertinere obligationem censere, ac hujusmodi operam Civitati offerre debeant, vel subducere, detrectare atque a se amoliri recte queant? Ad quam igitur pertinentes solvendam, nonnullas in sequentibus adferre conabimur animadversiones.

§. II.

Ubi permultum a statu, forma, magnitudine, viribus & fortuna Civitatis, rem pendere, quisque mox cernit. Nam aliter in *Democratia*, cum potestas imperii apud totum est populum, in Civitatibus parvis (quales Græcæ pleræque olim erant), ac difficilibus Reipublicæ temporibus, ad quæstionem propositam respondendum merito judices; ubi quævis fere publica negotia quosvis cives immediate tangunt atque afficiunt. In quibus mirum itaque haud sit, amorem patriæ curamque felicitatis publicæ (*Patriotismum* hodie vocamus), quamdiu inores admodum corrupti aut prorsus perditæ non fuerint, vividiorem, ardentiorem, magisque communem esse; ubi igitur difficilius ferri videas, ut aliquis Reipublicæ plane incuriosus, quasi fata ejus nihil ad se pertineant, a negotiis ejus se omniō removeat, ad parendum tantum, ac quasi patiendum quod sibi imperatur & imponitur, paratus. Aliter se res habet in *Monarchicis* atque maxime in *Aristocraticis* imperiis, in primis magnis, potentibus & tranquillis: in quibus publicas res vix ad se pertinere, plurimi subditorum in-

\*) 6 (\*)

terdum aut sentiunt aut putant; interdum ita fere exi-  
stimare jubentur, quod *passiva* hæc eorum indoles ad-  
modum imperantibus commoda, potestatique suæ ab  
eorum vel judicio vel ardentiore Reipublicæ studio pe-  
riculum metuentibus, acceptior videtur. Curam qui-  
dem Reipublicæ in hujusmodi civitate vel Principes  
vel Optimates omnem ita sibi vindicare solent, ut a subdi-  
cis nihil fere, nisi obedientiam atque obsequium requi-  
rere videantur, ac uthi negotia sibi fortassis a superiori-  
bus injuncta, fideliter exsequantur; & reliquis præterea,  
quæ supra tetigimus, officiorum civilium vel mediatorum  
vel *negativorum* generibus perficiendis operam sedulam  
navent. Sed ut in priore Civitatum genere manife-  
stum est, Reipublicæ curam negligere nullo modo civi-  
cuiquam permitti; ita in posteriore etjam omnem ut  
abjiciant haudquaquam licere, ex ipso fine Civitatis  
institutæ, atque ex pauci socialis natura, demonstrari  
facile potest. Num enim, solus imperans sine auxilio  
Magistratum varii generis, (vel majoris vel minoris  
dignitatis) regere Civitatem ita valet, ut salus omnium  
atque singulorum civium sarta tectaque servetur? Num  
sine imperatoribus & vi militum eam defendere? Num  
res & veritates scitu sibi utiles atque necessarias, per se  
omnes invenire ac rescire? &c. Unde patet, civibus  
utique incumbere, ut studiose hujusmodi opem, pro vi-  
ribus quisque, ei præbeant. Verum quidem est, in im-  
perio *Monarchico* vel *Aristocratico* non æque officiosam  
aut late patentem omnium negotiorum publicorum a  
pri-

\* \* 7 \*

privatis posci curam, aut iis etjam permitti; sed manet tamen semper campus satis amplius (nisi in imperio admodum tyrannico) in quo vires exercere, studiumque probare suum, modo limites præscriptos excedere non tentent, cives cordati, probi atque egregii valeant, atque adeo *affivum* quoque patriotismum prodere & demonstrare possint: qui ubi penitus in animis civium suffocatus atque extinctus fuerit, tota languescat civitas, neque res magnas atque præclaras gerere valeat, necesse est. Non negamus quidem, inter *Civium & Subditorum* officia differentiani merito statui; quod *Cives verae* societatis membra constituunt, quibus, & juribus ejus frui & legibus licet, cum subditi contra saepe servorum loco habentur, & dominis suis non sibi commoda parare coguntur. Non inficiamur a Civibus multo plus & exspectari posse, & merito requiri, quibus & facultas major, & longe efficaciora incitamenta sunt animi doctes excolendi, felicitatique societatis consulendi. Sed neque ullum tam satuum facile reperiri existimamus Principem, aut tam excordes Optimates, qui *subditos* suos *cives* simul esse, certo saltim modo atque gradu, nolint. Quin si adeo acerba populo cuidam fors contingit, ut mali atque insipientis imperio principis prematur; etjam in hac tamen, tam infelici conditione, quantum licet, ad commune spectare commodum atque illud adjuvare, civis quisque honestus & sapiens debet. Quam multæ saepe existunt occasionses, in quibus consilium salubre & in commune profuturum, prudenter & cau-

& caute oblatum, domino praebere servis etiam detur! Quam saepe opem Reipublicæ praestare efficacem & insignem privato licet! Quis sit imperans, qui subditos pro imperii potentia, gloria, salute augenda, ardere studio non malit, (si obedientes tamen sibiique devotos esse simul videt), quam patriæ fata quævis, frigido, negligenti, & quasi alieno spectare animo? Itaque patriæ amori, atque patriotismo, ut locum, ita ei fovendo obligationem, nullibi non esse, censemus.

§. III.

Sed quod ad Munerum publicorum administracionem specialius attinet, quæ non temporariam tantum quandam curam, sive opem nonnunquam Reipublicæ oblatam, sed constantiorem poscunt, atque omne saepe vitæ tempus ut sibi tribuatur, requirunt; qualis quantaque ad Rempublicam hac ex parte capessendam, ci-vium obligatio sit, paullo diligentius est disquirendum. Spectari munera publica a multis solent, nonni si ut quæstus quoddam genus, sive ratio vitam, stipendi cum iisdem conjuncti ope, sustentandi; qui itaque non aliam ad ea ambienda, quam ad aliud quocunque lucrum captandum, sibi incumbere obligationem putant. Verum longe hæc res aliter considerari debet. Habet enim imperans jus hanc operam a civibus exposcendi indubitatum. Sed non omnium vel ingenium vel conditio æque permittit, ut ad hanc viam ingrediendam recte impel-

lan-

Iantur. Ob non vulgarem enim quæ ad hujusmodi officia  
recte obeunda, in Civitatibus quidem cultioribus &  
perfectioribus, requiritur peritiam ac dexteritatem;  
primo opus est, ut quisque Reipublicæ operam hanc  
suam consecratur, rite sese, diligenter diuque, ad illam  
honeste prospereque, Patriæ, Imperanti civibus  
que præstandam, præparet atque formet. Cui rei ne-  
cessarium nec ingenium, nec otium, nec opportunitas,  
omnibus æque contingit. Igitur quisque sese antea,  
utrum ad rem suscipiendam aptus sit nec ne, diligenter  
exploret. Nec ingenium modo suum consulere  
debet, sed fortunæ etjam conditionem: an præ neces-  
saria vitæ sustentandæ cura, satis sibi temporis super-  
futurum videatur, ad necessarias consilio suo literas di-  
scendas? An adjumentorum necessariorum adipiscen-  
dorum spes probabilis affulgeat? An natalium condi-  
tio, (nam & hanc multis locis necessariam duci con-  
stat) aliquam sibi concipere spem successus permittat?  
Quamquam satendam est, a fervore ambitionis, vigo-  
re animi, constantia, diligentia, habilitate & tempo-  
rum rationibus obsequendi prudentia, ubi minus favere  
de cætero fortuna videatur, successus vehementer pen-  
dere. Nec insperati etjam fortunæ favori nihil dan-  
dum esse, plura docuerunt exempla. Scilicet, ut nunc  
ubique res sunt, exspectare non licet civi ad operam  
hanc suam Reipublicæ tribuendam parato atque prom-  
to, donec eam Superiores requisiverint, ipseque ad e-  
am civitati præstandam evocetur; sed sponte offerre,

B

ac

ac interdum quasi obtrudere eam oportet: amorque patriæ, & studium ac fides in imperantem stimulare egregium civem debet, ne auxilio suo carere Rem-publicam patiatur. Cui quoque pietati dandum sœpe est, ut repulsas & injurias quasdam patienter ferre, submittere animum, consuetis nos conditionibus conformare, ac servire tempori, aliquando non recusemus: quantum scilicet, salva honestate, boni viri dignitate, & virtutis excelsa invictaque indole, fieri queat. Ubi sœpe homines, ad alterutram partem nimis declinantes peccare solent. Non enim vel intempestivo quasi rigore, arceri se a Republica tuenda, virum bonum patriæque vere amantem, pati decet, vel eo humilitatis abjectique obsequii procedere, ut virtutis constantiam atque vigorem exuat; sine qua indolem illa suam, atque in hominis animum ingeniumque nobilitandum vim, retinere nequit. In quo dolendum est caussam inesse, cur tam sœpe boni a malis superentur. Quam rem latius explicare, nihil opus est. Attamen hanc ipsam ob caussam boni, quantumvis arduum esse videatur, non debent vietas mox dare manus, sed cum malis contendere, nec virtutis splendori, fructuofœque naturæ, improborum quoque semper venerationem, nec raro favorem parienti, sic nimis parum confidere. Quæ fortitudo, demittens se aliquando, ut tanto eniti altius queat, non mediocri sœpe laude, nec minori, quam qui in hostium repellendo impetu atque periculis spernendis cernitur vigor mentis, celebrari meretur.

§. IV.

§. IV.

Unde jam satis patet, cum caussæ tam graves ad-  
sint, quæ homini ad capessendam rem publicam idoneo,  
ut sacro huic officio satisfacere conetur, persuadeant:  
quid de *Epicuri* aliorumque quorundam judicandum  
sit philosophia, qui homines sapientes a Republica ca-  
pessenda revocant, sibique cavere jacent; quod qui  
ejus se dant servitio, vita beata, cui sine corporis ani-  
mique quiete locus nullus sit, frni haud possint? Præ-  
terquam autem, quod sic a *fide servanda* civitati data,  
turpiter homines dehortentur, adeoque viam ingredi  
jubent ab illa ipsa quam commendant tranquillitate pro-  
cul abducentem; parum acute alias quoque perniciocissi-  
mas consilii sui vident consequentias. Si enim boni ac  
sapientes viri munera contemnere ac fugere publica  
debent; respublica igitur malis ac stultis cedet in præ-  
dam, ac perfide prodetur? Unde qualis rerum non  
modo patriæ, sed civium privata existet fortuna? Num  
sic pax vel externa vel interna diu salva manebit?  
Num bona sua, num jura sanctissima, cuiquam illæsa  
conservare licebit? Quam est igitur hæc, non modo  
ignobilis, sed etiam cœca philosophia! Recteque CI-  
CERO, *Nec*, inquit, *magis vituperandus est proditor pa-*  
*triæ, quam communis utilitatis aut salutis desertor, pro-*  
*ppter suam utilitatem aut salutem.* (*De Finibus bonorum et*  
*malior. L. III, C. 19).* Quorum hominum ratio si pro-  
banda esset, sique veram hanc habere liceret felicitatis

32

attingendæ viam, quo facto eam ingredi, fas esse cuique  
sane deberet; tota sane brevi dissolveretur humana socie-  
tas. Quis igitur non videt, quam aperte secum ipsa  
hæc ratio pugnet? Qua sibi permittunt, quod ut alii  
similiter faciant, permettere nequeunt. Quare scite de  
his, qui sibi videntur, philosophis, ridens alio loco idem  
**CICERO:** Tantum, inquit, eos admoneamus, ut illud, eti-  
am si est verissimum, tacitum tamen, tanquam mysterium,  
teneant, quod negant versari in republica esse sapientis-  
nam, si hoc nobis atque optimo cuique persuaserint, non  
poterunt ipsi esse, id quod maxime cupiunt, otiosi. (*De O-  
rat. L. III, C. 17*). Nempe brevi, si eorum apud reli-  
quos etiam cives ratio invaluerit, fructus ejus sentire  
cogentur acerbos, atque communi reipublicæ invol-  
ventur ruina.

### §. V.

Itaque non absurdâ erat Lex famosa, quam olim  
Solon Atheniensibus tulit: ut qui seditione in civitate  
coorta neutri parti se adjunxisset, infamis esset (\*).

Quæ

---

(\*) De qua lege vid. MEURSII *Solon*, C. XV, & quæ lau-  
dat PLUTARCHI loca; nec non GELLIUS *Noct. Atticar.*  
L. II, C. XII. PLUTARCHI hæc verba in primis attendi

Quæ lex, licet Democratiæ quidem proprie accommodata esset, fundamento tamen nititur omni Reipublicæ communi, ut indifferens sive incuriosus publicæ salutis civis, quiue privatam suam quietem Reipublicæ bono præfert, laudandus aut probandus non existimetur. Amor igitur patriæ in civium animis conservari ac inflammari studiose debet; ut pro illa tuenda adjuvandaque, nulli nec labori nec sumtui parcant. Quæ virtus ut altas firmasque in civium mentibus agere radices queat, aliæ etiam ei cognatæ connexæque, ut temperantia, fortitudo animi, verus religionis & officii sensus &c., iis sollicite imprimantur.

## §. VI.

De tota igitur hac quæstione lubenter subscribimus judicio CICERONIS, qui (*de off. L. I, C. XX & XXI*) ita eam explicat, ut necessarias simul non reticeat faciendas a generali, quam constituit, regula exceptiones. *Multi autem, inquit, & sunt, & fuerunt, qui eam, quam*

B 3

dico,

merentur: *Vult enim* (Solon), *ut videtur, ne quis, rebus suis in tuto (tantisper) collocatis, nullo publici incomodi sensu afficiatur, aut se nullo publici doloris affectu commoveri glorietur, &c.*

dico, tranquillitatem expetentes, a negotiis publicis se removerint, ad otiumque perfugerint. In his & nobilissimi philosophi, longeque principes, & quidam homines severi, & graves, nec populi nec principum mores ferre potuerunt: vixeruntque nonnulli in agris, delectati re sua familiari. His idem propositum fuit qnod regibus, ut ne qua re egerent, ne cui parerent, libertate uterentur: cuius proprium est, sic vivere ut velis. Quare, cum hoc commune sit potentiae cupidorum cum*iis*, quos dixi, otiosis: alteri se adipisci id posse arbitrantur, si opes magnas habeant; alteri, si contenti sint & suo, & parvo. In quo neutrorum omnino contemnenda est sententia: sed & facilior, & tutior, & minus aliis gravis, aut molesta vita est otiosorum: fructuosior autem hominum generi, & ad claritatem, amplitudinemque aptior eorum, qui se ad rempublicam & ad res magnas gerendas accommodaverunt. Quapropter & iis forsitan concedendum sit, rempublicam non capessentibus, qui excellenti ingenio, doctrinae sese dediderunt: & iis, qui aut valetudinis imbecillitate, aut aliqua graviore caussa impediti, a republica recesserunt, cum ejus administrandae potestatem aliis, laudemque concederent. Quibus autem talis nulla sit caussa, si despicere se dicant ea, quæ plerique mirentur, imperia & magistratus, iis non modo non laudi, verum etiam vitio dandum puto. Quorum judicium in eo,

quod

quod gloriam contemnunt, & pro nihilo putent, difficile factu est non probare: sed videntur labores & molestias, tum offensionum, tum repulsarum, quasi quandam ignominiam timere, & infamiam. Sunt enim, qui in rebus contrariis parum sibi constent: voluptatem severissime contemnunt, in dolore sint moliores; gloriam negligant, frangantur infamia: atque ea quidem non satis constanter. Sed iis, qui habent a natura adjumenta rerum gerendarum, abjecta omni cunctatione, adipiscendi magistratus, & gerenda respublica est. Nec enim aliter aut regi civitas, aut declarari animi magnitudo potest. Capessentibus autem rempublicam nihilo minus, quam philosophis, haud scio an magis etiam; & magnificentia, & despicientia adhibenda sit rerum humanarum, quam saepe dico, & tranquillitas animi atque securitas: si quidem nec anxii futuri sunt, & cum gravitate constantiaque victuri. Quae eo faciliora sunt philosophis, quo minus multa patent in eorum vita, quae fortuna feriat, & quo minus multis rebus egent: & quia, si quid adversi eveniat, tam graviter cadere non possunt. Quocirca non sine caussa majores motus animorum concitantur, majoraque efficienda rempublicam gerentibus, quam quietis, quo magis his & magnitudo animi est adhibenda, & vacuitas ab angoribus. Ad rem gerendam autem qui accedit, caveat, ne id modo con-  
sider-

sideret, quam illa res honesta sit, sed etiam, ut habeat efficiendi facultatem. In quo ipso considerandum est, ne aut temere desperet, propter ignoriam, aut nimis confidat, propter cupiditatem. In omnibus autem negotiis, prius quam aggrediare, adhibenda est preparatio diligens.

Sed hic abrumpere filum cogimur.

